

天部神威五雷都統劉大天君

大天君諱蚪於戊申年三月奉命督教

劉天君曰覺光度世法爲道根明性見真道爲法本我奉命開教混元惟道法兼持性命彙一度世開緣印心植鼎各當猛尋星宿源頭以副殊恩特典不可授法不鍊鍊法不純以虛上意欲鍊法者一在定基丹光培護息息貫中辛虎庚龍左旋右盼靜則爲月月落長川動則爲金金飛火治勿以火候而強制勿以先時而預操循循入殼方爲定基一在養靈靈光奕奕根在絳宮絳宮重重升於金樓金樓之中萬神是宗定則光聚一則光充萬緣之息神光隆隆守心定氣抱虎降龍升三降九息如

道藏輯要

玉詮

一 鬼集四

條風暖從臍下乍伏乍從是爲養靈天地始通一在息機天高四穹體健斯空日珠星璣旋轉不窮我有心珠縮合蒼窿心中之真能見六通一通於口守牝和中次通耳目塞兌神融鼻及四肢通於中宮應機發運左鼓右鍾按此六通機息神通是爲息機與天同運一曰潛志志從心運志一心平志從心一平心在真峩峩七寶觀心得金無役我志志堅道凝無小我志志大法成潛志之功心心會明潛養潛伏慧眼洞真馘我三口滋我三精潛志旣極道果斯成一曰證神神光所暨照徹無邊天有萬神雷爲法鞭地有萬神岳爲法源身有萬神王爲法先統合三神罡破風指證神之奧道在目前守真見光真達萬天功成